



Senin, 31 Oktober 2022
Ogen: Efesus 2:8-9



"Kam Nggo Terkelin"



Rasul Paulus nuliskan suratna man perpulungen Efesus gelahna perpulungen Efesus meteh kerna keterkelinen e rehna i bas Dibata nari. Paulus jadi rasul pe erkiteken perkuah ate ras lias ate Tuhan dengen ipilihna Paulus labo erkiteken perbahanenna tapi Tuhan make ia guna nehken sura-suraNa. Paulus ngaloken keterkelinen ar.0; ah Dibata nari, si erbahansa ia ngasup lako nuriken kerna lias ras keleng ate Tuhan nandangi geluh manusia.

"Kam nggo terkelin", tema si mabai kita lako nggejapken makana geluhta enda seh kel mehergana iadap-adepen Tuhan, erkiteken kekelengen si isehkenNa arah anakNa Jesus Kristus. Kekelengen Tuhan man banta isehkenNa erdandanken lias ateNa; alu kata sideban, bage kin biak Dibata si sembah kita e. Ayat 8 isuratken "sabab erdandanken **lias ate** Dibata nge maka kam nggo **terkelin**, erkiteken **tek** kam man Kristus. Labo bekas perbahanenndu, tapi **pemere** Dibata kap e." Kita terkelin, kita selamat labo erkiteken ulih perbahanennta tapi erkiteken perkuah ate Dibata, e maka labo lit dalanna kita mujiken bana dengen mejanjang ukur. I bas Dibata nggo mereken keterkelinen man banta, e maka kita pe patut nggeluhken geluhta bagi kalak si nggo ngaloken keterkelinen. si perlu sicidahken selaku kalak singgo terkelin e me pengerana mehamat ras mereken semangat man jelma si enterem, lanai ngelukai pusuh teman manusia. Perbahanen si bujur dengen ertanggungjabap, la rayo-ayo bas erteman. Lagu langkah la erpandangan dengen erbahan kalak rate malem. Tuhan si enggo erbahan kita terkelin, ngarapken si mehuli arah geluhta.

31 oktober e me wari reformasi. I je Martin Luther tokoh reformasi, (1517)) erbahan perubahren, erkiteken litna penyimpangan ajaren gereja. Tandana kita pe nggo ireformasi Dibata, sicidahken min perubahren si mehuli ku sekelewetta.